

Opći izbori 2018. godine - osnovne informacije

Centralna izborna komisija BiH je 08.maja 2018. godine donijela odluku o održavanju Općih izbora u BiH. Izbori će se održati u nedjelju, 07.10.2018. godine.

Izbori se provode za sljedeće nivoe vlasti:

- Predsjedništvo Bosne i Hercegovine,
- Predstavnički dom Parlamentarne skupštine Bosne i Hercegovine,
- Predstavnički dom Parlamenta Federacije Bosne i Hercegovine,
- Predsjednika i potpredsjednike Republike Srpske,
- Narodnu skupštinu Republike Srpske i
- Skupštine kantona u Federaciji Bosne i Hercegovine.

Na izborima se bira:

Ukupno se na izborima bira **518** nosioca mandata i to:

- Predsjedništvo BiH: **3**
- Parlament BiH: Ukupno **42**, iz FBiH28 (21 direktno i 7 kompenzacijski mandati), iz RS 14 (9 direktno i 5 kompenzacijski mandati)
- Parlament FBiH: **98** (73 direktno i 25 kompenzacijski mandati)
- Predsjednik i podpredsjednici RS: **3**
- Narodna skupština RS: **83** zastupnika (63 direktno i 20 kompenzacijski mandati)
- Kanton 1 (Unsko-sanski Kanton): **30**
- Kanton 2 (Posavski Kanton): **21**
- Kanton 3 (Tuzlanski Kanton): **35**
- Kanton 4 (Zeničko-Dobojski Kanton): **35**
- Kanton 5 (Bosansko-podrinjski Kanton-Goražde): **25**
- Kanton 6 (Srednjobosanski Kanton): **30**
- Kanton 7 (Hercegovčko-neretvanski Kanton): **30**
- Kanton 8 (Zapadnohercegovački Kanton): **23**
- Kanton 9 (Kanton Sarajevo): **35**
- Kanton 10: **25**

POLITIČKI SUBJEKTI

Na glasačkim listićima naći će se ukupno 128 politička subjekta, od toga 58 političkih stranaka, 36 koalicija i 34 neovisna kandidata.

U odnosu na zadnje Opće izbore održane 2014. godine broj je veći za 30 političkih subjekata, jer smo na izborima 2014. godine imali 98 političkih subjekata od čega 50 političkih stranaka, 24 koalicije i 24 neovisna kandidata.

KANDIDATSKE LISTE I KANDIDATI

Ovjerene su **804 redovne kandidatke liste sa 7.497 kandidata i 73 kandidatske liste za dodjelu kompenzacijskih mandata sa ukupno 842 kandidata.**

Ženski spol	3119
Muški spol	4378
UKUPNO	7497

<= 30	1684
> 30	5813
UKUPNO	7497

BIRAČI

Centralna izborna komisija BiH je 30.08.2018. godine donijela Odluku o zaključivanju i potvrđivanju izvoda iz Centralnog biračkog spiska za Opće izbore 2018. godine i objavljivanju broja birača za svaku izbornu jedinicu sa stanjem na dan 23.08.2018. godine u 24:00 sati.

Prema navedenoj odluci **3.352.933 birača** su upisana u izvode iz Centralnog biračkog spiska za Opće izbore 2018. godine i to:

- broj redovnih birača je 3.254.767;
- broj birača sa statusom raseljene osobe koji glasaju u odsustvu je 8.306;
- broj birača sa statusom raseljene osobe koji glasaju lično je 12.046;
- broj birača koji glasaju putem pošte je 76.729
- broj birača koji glasaju u diplomatsko-konzularnim predstavništvima BiH je 1085

BIRAČKA MJESTA I MOBILNI TIMOVI

Ukupno u BiH je formirano 5794 biračkih mjesta (neka biračka mjesta su pridružena) i 314 mobilnih timova.

<i>Tip biračkog mjesta</i>	<i>Broj biračkih mjesta</i>
<i>Redovno</i>	<i>5.380</i>
<i>Odsustvo</i>	<i>128</i>
<i>Lično</i>	<i>141</i>
<i>Nepotvrđeni</i>	<i>145</i>

10 biračkih mjesta je formirano i inostranstvu. Po jedno biračko mjesto 07.10.2018. godine će biti otvoreno u u ambasadama BiH u **Kamberi, Beču, Berlinu, Oslu i Beogradu**, zatim u generalnim konzulatima BiH u **Čikagu, Minhenu, Štuttgartu i Frankfurtu** te u Počasnom konzulatu u **Gracu**.

Izborni posmatrači

Od 143 općinske/gradske izborne komisije očekujemo informaciju sa terena, procjena je oko 50 000 posmatrača političkih subjekata da su oni akreditirali.

POSMATRAČI KOJE JE AKREDITOVALA CENTRALNA IZBORNA KOMISIJA BIH					
POSMATRAČI UDRUŽENJA	MEĐUNARODNI POSMATRAČI		POSMATRAČI POLITIČKIH SUBJEKATA		
BROJ PODNESENIH ZAHTJEVA UDRUŽENJA	BROJ POSMATRAČA ISPRED UDRŽENJA	BR BROJ PODNESENIH ZAHTJEVA MEĐUNARODNI H ORGANIZACIJA	BROJ POSMATRAČA ISPRED MEĐUNARODNI H ORGANIZACIJA	BROJ BROJ PODNESENIH ZAHTJEVA POLITIČKIH SUBJEKATA	BROJ POSMATRAČA POLITIČKIH SUBJEKATA
20	5611	41	650	22	163
UKUPNO:				6424	

Napomena: međunarodni izborni posmatrači se mogu akreditirati sve do dana izbora

TEHNIČKI ASPEKT IZBORNOG PROCESA BITAN ZA BIRAČE

Prije dana izbora preporučujemo da birači provjere lokaciju svog biračkog mjesta. To mogu učiniti ako posjete web stranicu CIK BiH www.izbori.ba i otvore link „Da li ste registrirani“, zatim da u prazna polja upišu tražene podatke (ime, prezime i JMB)

Dugi način provjere je putem slanja SMS poruke na broj 091 12 12 12, poruka treba da sadrži samo JMB, slanje poruke košta 0,10KM+PDV.

I naravno treći način provjere je da birač posjeti općinski Centar za birački spisak i da provjeri lokaciju svog biračkog mjesta.

Biračko mjesto je na dan izbora otvoreno od 07:00 do 19:00 sati.

Uz pokazivanje jednog od važećih bh identifikacionih dokumenata (lična karta, vozačka dozvola ili pasoš) na biračkom mjestu birač dobija kombinaciju glasačkih listića koja mu pripada po zakonu.

Tajnost glasanja je osigurana na biračkom mjestu.

IZBORNA ŠUTNJA

Izborna šutnja počinje 24 sata prije otvaranja biračkih mjesta i traje do njihovog zatvaranja odnosno počinje 06.10.2018. godine u 7 sati ujutro i traje do 19 sati 07.10.2018. godine. U tom periodu političkim subjektima zabranjeno je učestvovanje u javnim političkim aktivnostima, a zabranjeno je i medijsko izvještavanje o bilo kakvoj aktivnosti koja se odnosi na političku i izbornu kampanju.